



盛唐彙詩卷第三十二

長安鄧振鐸

四唐彙詩百二

吳勉學

編輯

新都

江晏如

校訂

五言古體

古跡

登蒲州逍遙樓

玄宗

長榆息烽火高柳靜風塵下征巡九洛展預出  
三秦昔是潛龍地今為上理辰時平乘道泰聊  
賞遇年春黃河分地絡飛觀接天津一覽遺芳

翰千載肅如神

三秦晉經河上公廟

玄宗

昔聞有奇叟河上獨遺榮跡與塵囂隔心將道  
德并詎以天地累寧為寵辱驚矯然翔寥廓如  
何屈堅貞玄玄妙門啓肅肅祠宇清冥漠無先  
後那能紀姓名

過元睿墓

玄宗

吳國分牛斗晉室命龍驤受任敵已滅策勳名  
不彰居美未盡晉矜功徒自傷長戟今何在孤

墳此路傍不觀松柏茂空餘荆棘場嘆嗟懸劔  
壠誰識夢刀祥

過晉陽宮

玄宗

緬想封唐處寔惟建國初俯察伊晉野仰觀乃  
參虛井邑龍斯躍城池鳳翔餘林塘猶沛澤臺  
榭宛舊居運革祚中否時遷命茲符顧循承丕  
構怵惕多憂虞尚恐威不逮復慮化未孚豈徒  
勞轍跡所期訓戎車習俗問黎人親巡慰里閭  
永言念成功頌德臨康衢長懷經綸日嘆息履

庭隅艱難安可忘欲去良踟躕

行次成臯途經先聖擒建德之所緬思

功業感而賦詩

玄宗

有隋政昏虐羣雄已交爭先聖按劍起叱咤風  
雲生飲馬河洛竭作氣嵩華驚克敵睿圖就擒  
俘帝道亨顧慙嗣寶曆恭承天下平幸過剪鯨  
地感慕神且英

阮公嘯臺

包融

荒臺森荆杞蒙龍無上路傳是古人跡阮公長

嘯處至今來清風時時動林樹逝者昔已遠升  
攀想遺趣靜然荒榛間久之若有悟靈光未歇  
滅千載知仰慕

薦玄德公廟

儲光羲

神道本無已成化亦自然君居寥天上德在玉  
華泉真遊踐王豫永日遲雲仙表微在營道明  
祀將祈年靈山俯新邑松上生彩煙豈知穆天  
子遠去瑤池邊

至高陽觀卽天皇故宮

儲光羲

真人上清室乃在中峯前花霧生玉井霓裳畫  
列仙念茲宮故宇多此地新泉松柏有清陰薜  
蘿亦自妍一聞步虛子又話逍遙篇忽若在雲  
漢風中意泠然

望幸亭

儲光義

五年一巡狩西幸過東畿周國易居守周人多  
怨思君王敷惠政程作貴從時大厦非一木沈  
沈臨九達慶雲宿飛棟嘉樹羅青墀疏屏宜朝  
享方塘堪水嬉雲中仰華蓋桁下望春旗天意

知如此星言歸洛師

昭聖觀

儲光義

主家隱谿口微路入花源數日朝青閣彩雲猶  
在門雙樓夾一殿玉女侍玄元扶棹盡蟠木步  
櫺多畫幡新松引天籟小柏繞山樊坐弄竹陰  
遠行隨谿水喧石池辨春色林獸知人言未逐  
鳳凰去真宮在此原

至嶽寺卽大通大照禪塔上溫上人

儲光義

秋山下映宮宮色宜朝陽迢遞在半嶺參差非  
一行燕息雲滿門出遊花隱房二尊此成道禪  
宇遙相望鳳鐸天中鳴巖梯松下長山墟響信  
鼓蘅薄生蕙香起滅一以雪往來一誠亡悲哉  
門弟子要自知心長

同諸公秋日遊昆明池思古

儲光義

僕人理車騎西出金光遠蒼蒼白帝郊我將遊  
靈池太陰連晦朔雨與天根違淒風披田原橫

汗益山陂農畷盡顛沛顧望稼穡悲皇靈惻羣  
眚神政張天維坤紀戮屏翳元綱扶逶迤迴塘  
清滄流大曜懸金暉秋色浮渾沌清光隨漣漪  
豫章盡莓苔柳杞成枯枝驟聞漢天子征彼西  
南夷伐棘開洪淵秉旄訓我師震雲靈鼉鼓照  
水蛟龍旂銳士千萬人勇氣如熊羆刑罰一以  
正干戈自有儀坐作河漢傾進退樓船飛羽發  
鴻鴈落檜動芙蓉披峨峨三雲宮肅肅振旅歸  
惡德忽小醜器用窮地資上兵貴伐謀此道不

能爲吁哉蒸人苦始曰征伐非穆穆軒轅朝耀  
德守方垂君臣日安閑遠近無怨思石鯨旣躒  
蹬女牛亦流離獮獪遊渚隅葭蘆生漣湄坎埴  
四十里填淤今已微江伯方翱翔天吳亟往來  
桑榆無色佇立暮霏霏老幼樵木還賓從迴  
鞿羈帝夢鮮魚索明月當報時

登鹿門山

孟浩然

清曉因興來乘流越江峴沙禽近方識浦樹遙  
莫辨漸至鹿門山山明翠微淺巖潭多屈曲舟

檝屢迴轉昔聞龐德公采藥遂不返金澗餌芝  
朮石牀卧苔蘚紛吾感耆舊結纜事攀踐隱迹  
今尚存高風邈已遠白雲何時去丹桂空偃蹇  
探討意未窮迴艇夕陽晚

經殺子谷

陶翰

扶蘇秦帝子舉代稱其賢百萬猶在握可爭天  
下權束身就一劔壯志皆棄捐塞下有遺跡千  
齡人共傳踈蕪盡荒草寂歷空寒煙到此盡垂  
淚非我獨潸然

南楚懷古

陶翰

南國久蕪漫我來空鬱陶君看章華宮處處生  
黃蒿但見陵與谷豈知賢與豪精魂托古木寶  
玉捐江臯倚棹下晴景迴舟隨晚濤碧雲暮寥  
落湖上秋天高往事那堪問此心徒自勞獨餘  
湘水上千載聞離騷

出蕭關懷古

陶翰

驅馬擊長劔行役至蕭關悠悠五原上永眺關  
河前北虜三十萬此中常控弦秦城巨宇宙漢

帝理旌旃刀斗鳴不息羽書日夜傳五軍討莫  
就三策議空全大漠橫萬里蕭條絕人煙孤城  
當瀚海落日照祈連愴矣苦寒奏懷哉式微篇  
更悲秦樓月夜夜出胡天

同羣公秋登琴臺

高適

古跡使人感琴臺空寂寥靜然顧遺塵千載如  
昨朝臨眺自茲始羣賢久相邀德與形神高孰  
知天地遙四時何倏忽六月鳴秋蜩萬象歸白  
帝平川橫赤霄猶是對夏伏幾時有涼颼燕雀



滿簷楹鴻鵠搏扶搖物性各自得我心在漁樵  
兀然還復醉尚握樽中瓢

登百丈峯二首

高適

朝登百丈峯遙望燕支道漢壘青冥間朝天白  
如掃憶昔霍將軍連年此征討匈奴終不滅寒  
山徒草草唯見鴻鴈飛令人傷懷抱

又

晉武輕後事惠皇終已昏豺狼塞瀍洛胡羯爭  
乾坤四海如鼎沸五原徒自尊而今白庭路猶

對青陽門朝市不足問君臣隨艸根

薊中作

高適

策馬自沙漠長驅登塞垣邊城何蕭條白日黃  
雲昏一到征戰處每愁胡虜翻豈無安邊書諸  
將已承恩惆悵孫吳事歸來獨閉門

宋中十首

高適

梁王昔全盛賓客復多才悠悠一千年陳跡唯  
高臺寂寞向秋草悲風千里來

又

朝臨孟諸上忽見芒碭間赤帝終已矣白雲長  
不還時清更何有禾黍徧空山

又

景公德何廣臨變莫能欺三請皆不忍妖星終  
自移君心本如此天道豈無知

又

梁苑白日暮梁山秋草時君王不可見修竹令  
人悲九月桑葉盡寒風鳴樹枝

又

登高臨舊國懷古對窮秋落日鴻鴈度寒城砧  
杵愁昔賢不復有行矣莫淹畱

又

出門望終古獨立悲且歌憶昔魯仲尼悽悽此  
經過衆人不可向伐樹將如何

又

逍遙漆園吏冥沒不知年世事浮雲外閑居大  
道邊古來同一馬今我亦忘筌

又

五霸遞征伐宋人無戰功解圍幸奇說易子傷  
吾衷唯見盧門外蕭條多轉蓬

又

常愛宓子賤鳴琴能自親邑中靜無事豈不由  
其身何意千年後寂寞無此人

又

闕伯去已久高丘臨道傷人皆有兄弟爾獨爲  
參商終古猶如此而今安可量

宓公琴臺詩三首

高適

甲申歲適登子賤琴臺賦詩三首首章懷宓  
公之德千祀不朽次章美太守李公能嗣子  
賤之政再造琴臺末章多邑宰崔公能思子  
賤之政

宓子昔爲政鳴琴登此臺琴和人亦閑千載稱  
其才臨眺忽悽愴人琴安在哉悠悠此天壤惟  
有頌聲來

又

邦伯感遺事慨然建琴堂乃知靜者心千載猶

相望入室想其人出門何茫茫唯見白雲合東  
臨鄒魯鄉

又

皤皤邑中老自誇邑中理何必升君堂然後知  
君美開門無犬吠早卧常晏起昔人不忍欺今  
我還復爾

弔王將軍墓

常建

嫋姚北伐時深入疆千里戰餘落日黃軍敗鼓  
聲歿嘗聞漢飛將可奪單于壘今與山鬼隣殘

兵哭遼水

昭君墓

常建

漢宮豈不歿異域傷獨沒萬里馱黃金蛾眉爲  
枯骨迴車夜出塞立馬皆不發共恨丹青人墳  
上哭明月

先主武侯廟

岑參

先主與武侯相逢雲雷際感通君臣分義激魚  
水契遺廟空蕭然英靈貫千歲

文公講堂

岑參

文公不可見空使蜀人傳講席何時散高臺豈  
復全豐碑文字滅冥漠不知年

楊雄草玄臺

岑參

吾悲子雲居寂寞人已去娟娟西江月猶照草  
玄處精怪意無人睚盱藏老樹

司馬相如琴臺

岑參

相如琴臺古人去臺亦空臺上寒蕭條至今多  
悲風荒臺漢時月色與舊時同

嚴君平卜肆

岑參

君平曾賣卜卜肆蕪已久至今杖頭錢時時地  
上有不知支機石還在人間否

張儀樓

岑參

傳是秦時樓巍巍至今在樓南兩江水千古長  
不改曾聞昔時人歲月不相待

昇僊橋

岑參

長橋題柱去猶是未達時及乘駟馬車却從橋  
上歸名共東流水滔滔無盡期

萬里橋

岑參

成都與維揚相去萬里地滄江東流疾帆去如  
鳥翅楚客過此橋東看盡垂淚

石犀

岑參

江水初蕩瀟蜀人幾爲魚向無爾石犀安得有  
邑居始知李太守伯禹亦不如

龍女祠

岑參

龍女何處來來時乘風雨祠堂青林下宛宛如  
相語蜀人競祈恩捧酒仍擊鼓

東歸晚次潼關懷古

岑參

暮春別鄉樹晚景低津樓伯夷在首陽欲往無  
輕舟遂登關城望下見洪河流自從巨靈開流  
血千萬秋行行潘生賦赫赫曹公謀川上多往  
事淒涼滿空洲

驪姬墓下作

岑參

驪姬北原上閉骨已千秋澮水日東注惡名終  
不流獻公恣耽惑視子如仇讎此事成蔓草我  
來逢古丘蛾眉山月苦蟬鬢野雲愁欲吊二公  
子橫汾無輕舟

過緱山王處士黑石谷隱居

岑參

舊居緱山下偏識緱山雲處士久不還見雲如  
見山別來逾十秋兵馬日紛紛青谿開戰場黑  
谷屯行軍遂令巢由輩遠逐麋鹿羣獨有南澗  
水潺湲如昔聞

盛唐彙詩卷第三十二

四唐彙詩一百一

盛唐彙詩卷第三十三

四唐彙詩一百三

新都 吳勉學 合編輯

江晏如 校訂

五言古體

經行弔古懷舊

登首陽山謁夷齊廟

李頎

古人已不見喬木竟誰過寂寞首陽山白雲空  
復多蒼苔歸地骨皓首采薇歌畢命無怨色成  
仁其若何我來入遺廟時候微清和落日弔山

鬼回風吹女蘿石門正西豁引領望黃河千里  
一飛鳥孤光東逝波驅車層城路惆悵此巖阿  
古人已謁張果先生  
先生谷神者甲子焉能計自說軒轅師于今幾  
千歲寓遊城郭裏浪跡希夷際應物雲無心逢  
時舟不繫餐霞斷火粒野服兼荷製白雪淨肌  
膚青松養身世韜精殊豹隱鍊骨同蟬蛻忽去  
不知誰偶來寧有契二儀齊壽考六合隨休憩  
彭聃猶嬰孩松期且微細嘗聞穆天子更憶漢

皇帝親屈萬乘尊將窮四海裔車徒徧草木錦  
帛招談說八駿空往還三山轉虧蔽吾君感至  
德玄老欣來詣受籙金殿開清齋玉堂閉笙歌  
迎拜首羽帳崇嚴衛禁柳垂香鑪宮花拂仙袂  
祈年寶祚廣致福蒼生惠何必待龍髯鼎成方  
取濟

漂母岸

崔國輔

泗水入淮處南邊古岸存秦時有漂母於此飯  
王孫王孫初未遇寄食何足論後爲楚王來誓



欲吞母恩事迹遺在此空傷千載竟茫茫水中  
渚上有一孤墩遙望不可到蒼蒼煙樹昏幾年  
崩塚色每日日落潮痕古地多墮圯時哉不敢言  
向夕淚霑裳只宿蘆洲村

潁陽東谿懷古

崔曙

靈谿氛霧歇皎鏡清心顏空色不映水秋聲多  
在山世人久踈曠萬物皆自閑白鷺寒更浴孤  
雲晴未還昔時讓王者此地閉玄關無以躡高  
步淒涼岑壑間

金陵鳳凰臺置酒

李白

置酒延落景金陵鳳凰臺長波寫萬古心與雲  
俱開借問往昔時鳳凰爲誰來鳳凰去已久正  
當今日迴明君越義軒天老坐三台豪士無所  
用彈絃醉金罍東風吹山花安可不盡杯六帝  
沒幽草深宮冥綠苔置酒勿復道歌鐘但相催

登金陵冶城西北謝安墩

李白

晉室昔橫潰永嘉遂南奔沙塵何茫茫龍虎鬪  
朝昏胡馬風漢草天驕蹙中原哲匠感頽運雲

金唐書言 卷三十三  
三  
鵬忽飛翻組練照楚國旌旗連海門西秦百萬  
衆戈甲如雲屯投鞭可填江一掃不足論皇運  
有返正醜虜無遺寇談笑遏橫流蒼生望斯存  
冶城訪古跡猶有謝安墩憑覽周地險高標絕  
人喧想像東山姿緬懷右軍言梧桐識嘉樹蕙  
草畱芳根白鷺映春洲青龍見朝暎地古雲物  
在臺傾禾黍繁我來酌清波於此樹名園功成  
拂衣去歸入武陵源

經下邳圮橋懷張子房

李白

子房未虎嘯破產不爲家滄海得壯士推秦博  
浪沙報韓雖不成天地皆振動潛匿遊下邳豈  
曰非智勇我來圮橋上懷古欽英風唯見碧流  
水曾無黃石公歎息此人去蕭條徐泗空

秋夜板橋浦汎月獨酌懷謝朓

李白

天上何所有迢迢白玉繩斜低建章闕耿耿對  
金陵漢水舊如練霜江夜清澄長川瀉落月洲  
渚曉寒凝獨酌板橋浦古人誰可徵玄脾難再

得灑淚氣填膺

望鸚鵡洲懷禰衡

李白

魏帝營八極蟻觀一禰衡黃祖斗筭人殺之受  
惡名吳江賦鸚鵡落筆超羣英鏘鏘振金玉句  
句欲飛鳴鷲鴉啄孤鳳千春傷我情五嶽起方  
寸隱然詎可平才高竟何施寡識冒天刑至今  
芳洲上蘭蕙不忍生

春日陪楊江寧及諸官宴北湖感古作

李白

昔聞顏光祿攀龍宴重湖樓船入天鏡帳殿開  
雲衢君王歌大風如樂豐沛都延年獻佳作邈  
與詩人俱我來不及此獨立鍾山孤楊宰穆清  
飈芳聲騰海隅英僚滿四座粲若瓊林敷鷓首  
弄倒景蛾眉綴明珠新絃采梨園古舞嬌吳歛  
曲度繞雲漢聽者皆歡娛雞棲何嘈嘈浴月沸  
笙竽古之帝宮苑今乃人樵蘇感此勸一觴願  
君覆瓢壺榮盛當作樂無令後賢吁

望黃鶴樓

李白

東望黃鶴山雄雄半空出四面生白雲中峯倚  
紅日巖巒行穹跨峯嶂亦冥密頗聞列仙人於  
此學飛術一朝向蓬海千載空石室金竈生煙  
埃玉潭秘清謐地古遺草木庭寒老芝木蹇予  
羨攀躋因欲保閑逸觀奇徧諸嶽茲嶺不可匹  
結心寄青松永悟客情畢

金陵望漢江

李白

漢江迴萬里派作九龍盤橫潰豁中國崔嵬飛  
迅湍六帝淪亡後三吳不足觀我君混區宇垂

拱衆流安今日任公子滄浪罷釣竿

入彭蠡經松門觀石鏡緬懷謝康樂題

詩書遊覽之志

李白

謝公之彭蠡因此遊松門余方窺石鏡兼得窮  
江源欲將繼風雅豈徒清心鬼前賞逾所見後  
來道空存况屬臨汎美而無洲渚喧漾水向東  
去漳流直南奔空濛三川夕迴合千里昏青桂  
隱遙月綠楓鳴愁猿水碧或可采金精秘莫論  
吾將學仙去冀與琴高言

安州應城玉女湯作

李白

神女歿幽境湯池流大川陰陽結炎炭造化開  
靈泉地底爍朱火沙傍歆素烟沸珠躍晴月皎  
鏡涵空天氣浮蘭芳滿色漲桃花然精覽萬殊  
入潛行七澤連愈疾功莫尚變盈道乃全濯纓  
掬清泚晞髮弄潺湲散下楚王國分澆宋玉田  
可以奉巡幸柰何隔窮偏獨隨朝宗水赴海輸  
微涓

自廣平乘醉走馬六十里至邯鄲登城

樓覽古書懷

李白

醉騎百花駱西走邯鄲城揚鞭動柳色寫鞞春  
風生入郭登高樓山川與雲平深宮翳綠草萬  
事傷人情相如章華巖猛氣折秦嬴兩虎不可  
鬪廉公終負荆提攜袴中兒杵臼及程嬰立孤  
就白刃必歿耀丹誠平原三千客談笑盡豪英  
毛君能穎脫二國且同盟皆爲黃泉土使我涕  
縱橫磊磊石子岡蕭蕭白楊聲諸賢沒此地碑  
版有殘銘太古共今時由來互哀榮傷哉何足

道感激仰空名趙俗愛長缺文儒少逢迎閑從  
博陵遊悵飲雪朝醒酣歌易水動鼓震叢臺傾  
日落把燭歸凌晨向燕京方陳五餌策一使胡  
塵清

登廣武古戰場懷古 李白

秦鹿奔野草逐之若飛蓬項王氣蓋世紫電明  
雙瞳呼吸八千人橫行起江東赤精斬白帝叱  
咤入關中兩龍不並躍五緯與天同楚滅無英  
圖漢興有成功按劍清八極歸酣歌大風伊昔

臨廣武連兵決雌雄分我一杯羹太皇乃汝翁  
戰爭有古跡壁壘頽層穹猛虎吟洞壑饑鷹獵  
秋空翔雲列曉陣殺氣赫長虹撥亂屬豪聖俗  
儒安可通沈酒呼豎子狂言非至公撫掌黃河  
曲嗟嗟阮嗣宗

金陵白楊十字巷 李白

白楊十字巷北夾湖溝道不見吳時人空生唐  
年艸天地有反覆宮城盡傾倒六地餘古丘樵  
蘇泣遺老

峴山懷古

李白

訪古登峴首憑高眺襄中天清遠峯出水落寒  
沙空弄珠見遊女醉月懷山公感歎發秋興長  
松鳴夜風

李白

金陵新亭

李白

金陵風景好豪士集新亭舉目山河異偏傷周  
顛情四坐楚囚悲不憂社稷傾王公何慷慨千  
載仰雄名

洗脚亭

李白

白道向姑熟洪亭臨道傍前有昔時井下有五  
丈牀樵女洗素足行人歇金裝西望白鷺洲蘆  
花似朝霜送君此時去回首淚成行

同李太守登歷下古城孫員外新亭風

杜甫王丈

新亭結構罷隱見清湖陰跡藉臺觀舊氣溟海  
嶽深圓荷想自昔遺堞感至今芳宴此時具哀  
絲千古心主稱壽尊客筵秩宴北林不阻蓬華  
興得兼梁甫吟

與野寒冬到金華山觀因得故拾遺陳公學堂  
遺跡  
涪右衆山內金華紫崔嵬上有蔚藍天垂光抱  
瓊臺繫舟接絕壁杖策窮縈迴四顧俯層巔淡  
然川谷開雲嶺日色歿霜鴻有餘哀焚香玉女  
跪霧裏仙人來陳公讀書堂石柱仄青苔悲風  
爲我起激烈傷雄才

陳拾遺故宅

杜甫

拾遺平昔居大屋尚修椽悠揚荒山日慘淡故

園煙位下曷足傷所貴者聖賢有才繼騷雅哲  
匠不比肩公生楊馬後名與日月懸同遊英俊  
人多秉輔佐權彥昭超玉價郭振起通泉到今  
素壁滑洒翰銀鉤連盛事會一時此堂豈千年  
終古立忠義感遇有遺編

過郭代公故宅

杜甫

豪雋初未遇其跡或脫略代公通泉尉放意何  
自若及夫登袞冕直氣森噴薄磊落見異人豈  
伊常情度定策神龍後宮中翕清廓俄頃辨尊



親指揮存顧託羣公有慙色王室無削弱迴出  
名臣上丹青照臺閣我行得遺跡池館皆疏鑿  
壯公臨事斷顧步涕橫落精鬼凜如在所歷終  
蕭索高詠寶劔篇神交付冥漠

廣武懷古

楊浚

河水城下流登城望彌愜海雲飛不斷岸艸綠  
相接龍門無舊場武牢有遺堞扼喉兵易守捫  
指計何捷天奪項氏謀卒成漢家業鄉山遙可  
見西顧淚盈睫

鄴城懷古

孟雲卿

朝發淇水南將尋北燕路魏家舊城闕寥落無  
人住伊昔天地屯曹公獨中據羣臣將北面白  
日忽西暮三臺竟寂寞萬事良難固雄豪安在  
哉衰草沾霜露崔嵬長河北尚見應劉墓古樹  
藏龍蛇荒茅伏狐兔永懷故池館數子連章句  
逸興驅山河雄詞變雲霧我行覩遺跡精爽如  
可遇斗酒將酌君悲風白楊樹

經望湖驛

韋鎰

大漠無屯雲孤峯出亂柳前驅白登道顧失飛  
狐口遙憶代王城俯臨恒山後纍纍多古墓寂  
寞爲墟久豈不固金湯終聞擊銅斗交權初伏  
信接讌翻貽咎埋寶責夫人磨笄傷彼婦功成  
行且薄義立名不朽莫慎纖微端其何社稷守  
身殘國遂亡此立人君醜

經禁城

劉復

日沒路且長遊子欲涕零荒城無人路秋草飛  
寒螢東南古丘墟芥蒼馳郊垆黃雲晦斷岸枯

井臨崩亭昔人竟何之窮泉獨冥冥蒼苔沒碑  
版朽骨無精靈俛仰寄世間忽如流波萍金石  
非汝壽浮生等臊腥不如學神仙服食求丹經  
還渭南感舊二首

唐暄

又

常時華室靜笑語度更籌恍惚人事改冥漠委  
荒丘陽原欲薤露陰壑悼藏舟清夜妝臺月空

想畫眉愁

緱山廟

吳筠

朝吾自嵩山驅駕遵洛汭  
逶遲輾轅側仰望緱山際  
王子謝時人笙歌此賓帝  
仙材夙所稟寶位焉足繫  
爲迫丹青期闕流蒼生惠  
高蹤邈千載遺廟今一詣  
肅肅生風雲森森列松桂  
大君弘至道層構何壯麗  
稽首環金壇焚香陟瑤砌  
伊余超浮俗塵累久已閉  
况復清夙心蕭然叶真契

壬辰歲過舊居

獨孤及

少年事遠遊出入燕與秦  
離居歲周天猶作勞歌人  
負劒渡潁水歸馬自知津  
緣源到舊廬攬涕尋荒蕪  
鄰里喜相勞壺觴展殷勤  
酒闌擊竹語及此離會因  
大夫隨世波豈料百年身  
今日負鄙願多慙故山春

盛唐彙詩卷第三十三

四唐彙詩一百三

盛唐彙詩卷第三十三

負瀟湘多... 詩又出... 湘人負... 少... 五言古體

盛唐彙詩卷第三十四

四唐彙詩一百五

空余... 白... 五言古體

新都

吳勉學 編輯

江晏如 校訂

五言古體

讌遊

襄陽公宅飲

窈窕夕陽佳 芊茸春色好 欲覓淹留處 無過狹  
斜道 綺席卷龍鬚 香杯浮碼碯 北林積修樹 南  
池生別島 手撥金翠花 心迷玉紅草 談天光六

義發論明三倒座非陳子驚門還魏公掃榮辱  
應無間歡娛當共保

宴包二融宅

閑居枕清洛左右接大野門庭無雜賓車轍多  
長者是時方盛夏風物自瀟灑五日休沐歸相  
攜竹林下開襟成歡趣對酌不能罷煙暝栖鳥  
迷余將歸白社

與王昌齡宴王道士房

孟浩然

歸來卧青山常夢遊青都漆園有傲吏惠好在

招呼書幌神仙錄畫屏山海圖酌霞復對此宛  
似入蓬壺

宴南亭

王昌齡

寒江映村林亭上納鮮潔楚客共閑飲靜坐金  
管闕酣竟日入山暝來雲歸穴城樓空杳靄猿  
鳥備清切物狀如絲綸上心爲予決訪君東谿  
事早晚樵路絕

宴韋司戶山亭院

高適

人幽想靈山意愜憐遠水習靜務爲適所居還

復爾汲流漲華池開酌宴君子苔逕試窺踐石  
屏可攀倚入門見中峯攜手如萬里橫琴了無  
事垂釣應有以高館何沈沈颯然涼風起

宴鄭參卿山池

李白

爾恐碧艸晚我畏朱顏移愁看楊花飛置酒正  
相宜歌聲送落日舞影迴清池今夕不盡杯畱  
歡更邀誰

陪李北海宴歷下亭

杜甫

東藩駐皂蓋北渚凌清河海右此亭古濟南名

士多雲山已發興玉佩仍當歌修竹不受暑交  
流空湧波蘊真愜所遇落日將如何貴賤俱物  
役從公難重過

宴湖上亭作

元結

廣亭蓋小湖湖亭實清曠軒牕幽水石怪異尤  
難狀石樽能寒酒寒水宜初漲岸曲坐客稀杯  
浮上搖漾遠水入簾幙浙瀝吹酒舫欲去未回  
時飄飄正堪望酣興思共醉促酒更相向舫去  
若驚鳧浴瀛滿湖浪朝來暮忘返暮歸獨惆悵

誰肯愛林泉從吾老湖上

夜宴石魚湖作

風霜雖慘然出遊熙天正登臨日暮歸置酒湖  
上亭高燭照泉深光華溢軒楹如見海底日曠  
曠始欲生夜寒閉牕戶石溜何清泠若在深洞  
中半崖聞水聲醉人疑舫影呼指遞相驚何故  
有雙魚隨吾酒舫行醉昏能誕語勸醉能忘情  
坐無拘忌人勿限醉與醒

劉侍御月夜讌會

并序

元結

賓興已來十一年矣獲與同志歡醉達旦詠  
歌取適無一二焉乙巳歲彭城劉靈源在衡  
陽逢故人或有在者日昔相會第歡遠遊始  
與諸公待月而笑語竟與諸公愛月而歡醉  
詠歌夜久賦詩言懷於戲文章道喪蓋久矣  
時之作者煩雜過多歌兒舞女且相喜愛系  
之風雅誰道是邪諸公嘗欲變時俗之淫靡  
為後生之規範今夕豈不能道達性情成一  
時之美乎

我從蒼梧來將耕舊山田  
踟躕爲故人且復停  
歸船日夕得相從轉覺和樂全  
愚愛涼風來明月正滿  
天河漢望不見幾星猶粲然  
中夜興欲酣改坐臨清川  
未醉恐天旦更歌促繁絃  
歡娛不可逢請君莫言旋

與前與徐侍郎五雲谿新庭重陽宴作

獨孤及

萬峯蒼翠色雙谿清淺流  
已符東山趣况值江南秋  
白露天地肅黃花門館幽  
山公惜美景肯

爲芳樽留五馬照池塘  
繁絃催獻酬臨風孟嘉  
帽乘興李膺舟騁望傲  
千古當歌遺四愁豈令  
永和入獨擅山陰遊

夏日尋藍田唐丞登高宴集

儲光羲

東望春明門駕言聊出遊  
南行小徑盡綠竹臨  
清流君出罷六安居此澹  
忘憂園林與城市間  
井隨人幽披顏闢衡闈  
置酒登崇丘山河臨咫  
尺宇宙窮寸眸是時春載  
陽佳氣滿皇州宮殿



碧雲裏鴛鴦初命儔良辰方在茲志士安得休  
成名苟有地何必東陵侯

秦中歲晏馬舍人宅宴集 儲光羲

冬暮久無樂西行至長安故人處東第清夜多  
新歡廣庭竹陰靜華地月色寒知音盡詞客方  
見交情難

青龍寺曇壁上人院集 裴迪

靈境信爲絕法堂出塵氛自然成高致向下看  
浮雲迤邐峯岫列參差閭井分林端遠堞見風

末踈鐘聞吾師久禪寂在世超人羣

九月九日劉十八東堂集 李頎

風俗尚九日此情安可忘菊花辟惡酒湯餅茱  
萸香雲入授衣假風吹閑宇涼主人盡歡意林  
景晝微茫清切晚砧動東西歸鳥行淹留悵爲  
別日醉秋雲光

何九於客舍集 王昌齡

客有住桂陽亦如巢林鳥壘觴且終宴功業曾  
未了山月空霽時江明高樓曉門前泊舟檝行

次入松篠此意投贈君滄波風裊裊

洛陽尉劉晏與府掾諸公茶集天官寺

岸道上人房

王昌齡

良友呼我宿月明懸天宮道安風塵外灑掃青  
林中削去府縣理豁然神機空自從三湘還始  
得今夕同舊居太行北遠宦滄溟東各有四方  
事白雲處處通

奉和聖製登降聖觀與宰臣等同望應

王維

鳳辰朝碧落龍圖耀金鏡維嶽降二臣戴天臨  
萬姓山川八校滿井邑三農竟比屋皆可封誰  
家不相慶林疎遠村出野曠寒山靜帝城雲裏  
深渭水天邊映佳氣含風景頌聲溢歌詠端拱  
能任賢彌彰聖君聖

奉和聖製御春明樓臨右相園亭賦樂

賢詩應制

王維

複道通長樂青門臨上路遙聞鳳吹喧闈識龍  
輿度褰旒明四目伏檻紆三顧小苑接侯家飛

金唐書詩 卷三十四  
薨映宮樹商山原上碧澹水林端素銀漢下天  
章瓊筵承湛露將非富民寵信以平戎故從來  
簡帝心詎得迴天步

晦日遊大理韋卿城南別業四聲次用

各六韵

王維

與世澹無事自然江海人側聞塵外遊解驂輓  
朱輪平野照暄景上天垂春雲張組竟北阜汎  
舟過東鄰故鄉信高會牢醴及佳辰幸同擊壤  
樂心荷爲堯君

又

郊居杜陵下永日同攜手仁里靄川陽平原見  
峯首園廬鳴春鳩林薄媚新柳上卿始登席故  
老前爲壽臨當遊南陂約略執杯酒歸歟絀微  
官惆悵心自咎

又

冬中餘雪在墟上春流駛風日暢懷抱山川多  
秀氣彫胡先晨炊庖膾亦雲至高情浪海嶽浮  
生寄天地君子外簪纓埃塵良不啻所樂陶門

中陶然忘其貴

又

高館臨澄波曠然蕩心目淡蕩動雲天玲瓏映  
墟曲鵲巢結空林雉雊響幽谷應接無閑暇徘  
徊以躑躅紆組上春堤側弁倚喬木弦望忽已  
晦後期洲應綠

崔濮陽兄季重前山興

王維

秋色有佳興況君池上閑悠悠西林下自識門  
前山千里橫黛色數峯出雲間嵯峨對秦國合

杳藏荆關殘雨斜日照夕嵐飛鳥還故人今尚  
爾歎息此顏顏

青谿

王維

言入黃花川每逐青谿水隨山將萬轉趣途無  
百里聲喧亂石中色靜深松裏漾漾汎菱荇澄  
澄映葭葦我心素已閑清川澹如此請畱盤石  
上垂釣將已矣

冬日遊覽

王維

步出城東門試騁千里日青山橫蒼林赤日團

平陸渭北走邯鄲關東出函谷秦地萬方會來  
朝九州牧雞鳴咸陽中冠蓋相追逐丞相過列  
侯羣公餞光祿相如方老病獨歸茂陵宿

華嶽

王維

西嶽出浮雲積翠在太清連天凝黛色百里遙  
青冥白日爲之寒森沈華陰城昔聞乾坤閉造  
化生巨靈右足踏方止左手推削成天地忽開  
拆大河注東溟遂爲西峙嶽雄雄鎮秦京大君  
包覆載至德被羣生上帝佇昭告金天思奉迎  
人祇望幸久何獨禪云亭

同盧拾遺過章給事東山別業二十韻  
給事首春休沐維已陪遊及乎是行亦  
預聞命會無車馬不果斯諾

王維

託身侍雲陛昧旦趨華軒遂陪鶴鴻侶霄漢同  
飛翺君子垂惠顧期我於田園側聞景龍際親  
降南面尊萬乘駐山外順風祈一言高陽多夔  
龍荆山積璵璠盛德啓前烈大賢鍾後昆侍郎

文昌宮給事東掖垣謁帝俱來下冠蓋盈丘樊  
閨風首邦族庭訓延鄉村采地包山河樹井竟  
川原巖端迴綺檻谷口開朱門階下羣峰首雲  
中瀑水源鳴玉滿春山列筵先朝暎會舞何颯  
杳擊鐘彌朝昏是時陽和節清晝猶未暄藹藹  
樹色深嚶嚶鳥聲繁顧已負宿諾延頸慙芳蓀  
蹇步守窮巷高駕難攀援素是獨往客脫冠情  
彌敦

藍田山石門精舍

王維

落日山水好漾舟信歸風探奇不覺遠因以緣  
源窮遙愛雲木秀初疑路不同安知清流轉偶  
與前山通捨舟理輕策果然愜所適老僧四五  
人逍遙蔭松柏朝梵林未曙夜禪心更寂道心  
及牧童世事問樵客瞑宿長林下焚香卧瑤席  
澗芳襲人衣山月映石壁再尋畏迷誤明發更  
登歷笑謝桃源人花紅復來覲

自大散以往深林密竹磴道盤曲四五  
十里至黃牛嶺見黃花川

王維

危徑幾萬轉數里將三休迴環見徒侶隱映隔  
林丘颯颯松上雨潺潺石中流靜言深谿裏長  
嘯高山頭望見南山陽白露靄悠悠青臯麗已  
淨綠樹鬱如浮曾是厭蒙密曠然銷人憂

新晴野望

王維

新晴原野曠極目無氛垢郭門臨渡頭村樹連  
谿口白水明田外碧峯出山後農月無閑人傾  
家事南畝

別弟縉後登青龍寺望藍田山

陌上新別離蒼茫四郊晦登高不見君故人復  
雲外遠樹蔽行人長天隱秋塞心悲宦遊子何  
處飛征蓋

王維

游茅山五首

儲光羲

十年別鄉縣西去入皇州此意在觀國不言空  
遠遊九衢平若水利往無輕舟北洛反初路東  
江還故丘春山多秀木碧澗盡清流不見子桑  
扈當從方外求

又

世業傳儒行行成非不榮其如懷獨善况以聞  
長生家近華陽洞早年深此情巾車雲路入理  
棹瑤谿行天地朝光滿江山春色明玉廷有軒  
冕此日方知輕

又

平生非作者望古懷清芬心以道為際行將時  
不羣茲山在人境靈貺久傳聞遠勢一峯出近  
形千嶂分冬春有茂艸朝暮多鮮雲此去亦何

極但言西日曛

又

昔賢居柱下今我去人間良以直心曠兼之外  
視閑垂綸非釣國好學異希顏落日登高嶼悠  
然望遠山谿流碧水去雲帶清陰還想見中林  
士巖扉長不關

又

名嶽徵仙事清都訪道書山門入松柏天路涵  
空虛南極見朝采西潭聞夜漁遠心尚雲宿浪



五言古體 卷十四  
跡出林居爲已存實際忘形同化初此行良已  
矣不樂復何如

同諸公秋霽曲江俯見南山

儲光羲

天靜終南高俯映江水明有若蓬萊下淺深見  
澄瀛羣峰懸中流石壁如瑤瓊魚龍隱蒼翠鳥  
獸遊清冷菰蒲林下秋薜荔波中輕山萸浴蘭  
沚水若居雲屏嵐氣浮渚宮孤光隨曜靈陰陰  
豫章館宛宛百花亭大君及羣臣宴樂方嚶鳴

吾黨二三子蕭晨怡性情逍遙滄洲時乃在長  
安城

晦日任橋池亭

儲光羲

溫泉作天邑直北開新洲未有菰蒲生卽聞鳧  
鴈遊六亭在高岸數島居中流晦日望清波相  
與期泛遊西道苦轉轂北堤疲行舟清冷水木  
陰纔可適我憂

泛茅山東谿

儲光羲

清晨登仙峯峯遠行未極江海霽初景艸木含

新色而我任天和此時聊動息望鄉白雲裏發  
棹清谿側松柏生深山無心自貞直

仲夏入園中東陂

儲光羲

方塘深且廣伊昔俯吾廬環岸垂綠柳盈潭發  
紅蕖上延北原秀下屬幽人居暑雨若混沌晴  
明如空虛此鄉多隱逸水陸見樵漁廢賞亦何  
費爲歡良易攄且言重觀國當此賦歸歎

同諸公登慈恩寺塔

儲光羲

金祠起真宇直上青雲垂地靜我亦閑登之秋

清時蒼蕪宜春苑片碧昆明池誰道天漢高道  
遙方在茲虛形賓太極携手行翠微雷雨恂杳  
冥鬼神中躩踞靈變在倏忽莫能窮天涯冠上  
閶闔開履下鴻鴈飛宮室低邈迤羣山小參差  
俯仰宇宙空庶隨了義歸前芳非大厦久居亦  
以危

和尹忭登南樓

張均

客來已兩春更瞻韶光早花鳥玩環合江山復  
駢抱棲形寫北潭堞勢凌青島白雲謝歸鴈馳

懷洛陽道

奉陪張燕公登南樓

尹恣

君子每垂眷江山共流眄水遠林外明巖近霧  
中見終日西北望何處是京縣屢登高春臺徒  
使淚如霰

南山

賀朝

湖北雨初晴湖南山盡見巖巖石帆影如得海  
風便仙穴茅山峯彩雲時一見邀君共探此異  
錄殘幾卷

登福先寺上方然公禪室 蔡希寂

名都標佛刹萬構臨河干舉目上方峻森森青  
翠攢步登諸劫盡忽造浮雲端當暑敞局闔却  
嫌絺綌寒禪房最高頂靜者殊閑安踈雨向空  
城數峯簾外盤午鐘振衣坐招我同一餐真味  
雜飴露衆香唯蔗蘭晚來恣偃俛茶果仍畱歡

登廬山峯頂寺

劉昶虛

孤峰臨萬象秋氣何高清天際南郡出林端西  
江明山門二緇叟振錫聞幽聲心照有無界業

懸前後生雖知真機靜尚與愛網并方首金門  
路未遑參道情

尋東谿還湖中作

劉脊虛

出山更回首日暮清谿深東嶺新別處數猿叫  
空林昔遊有初迹此路還獨尋幽興方在往歸  
懷復爲今雲峯勞前意湖水成遠心望望已超  
越坐鳴舟中琴

宿裴氏山莊

王昌齡

蒼蒼竹林暮吾亦知所投靜坐山齋月清谿聞

遠流西峯下微雨向曉白雲收遂解塵中組終  
南春可遊

泛若耶谿

丘爲

結廬若耶裏左右若耶水無日不釣魚有時向  
城市谿中水流急渡口水流寬每得樵風便往  
來殊不難一川草長綠四時那得辨短褐衣妻  
兒餘糧及雞犬日暮鳥雀稀稚子呼牛歸住處  
無鄰里柴門獨掩扉

盛唐彙詩卷第三十四

四唐彙詩一百四

盛唐彙詩卷第三十五

四唐彙詩一百五

新都

吳勉學 編輯

江晏如 校訂

五言古體

讌遊

雲門寺西六七里聞符公蘭若最幽與

薛八同往

孟浩然

謂予獨迷方逢子亦在野結交指松柏問法尋  
蘭若小谿劣容舟怪石屢驚馬所居最幽絕所

住皆靜者雲簇興座隅天空落階下上人亦何  
聞塵念俱已捨四禪合真如一切是虛假願承  
甘露潤喜得惠風灑依止此山門誰能效丘也

宿天台桐柏觀

孟浩然

海行信風帆夕宿逗雲島緬尋滄洲趣近愛赤  
城好捫蘿亦踐苔輟棹恣探討息陰憩桐柏采  
秀弄芝艸鶴唳清露垂雞鳴信潮早願言解纓  
紱從此無煩惱高步凌四明玄蹤得三老紛吾  
遠遊意學彼長生道日夕望三山雲濤空浩浩

遊明禪師西山蘭若

孟浩然

西山多奇狀秀出倚前楹停午收彩翠夕陽照  
分明吾師住其下禪坐證無生結廬就嵌窟剪  
茗通往行談空對樵叟授法與山精日暮方辭  
去田園歸冶城

登望楚山最高頂

孟浩然

山水觀形勝襄陽美會稽最高唯望楚曾未一  
攀躋石壁疑削成衆山比全低晴明試登陟目  
極無端倪雲夢掌中小武陵花處迷暝還歸騎

下蘿月映深谿

初春漢中漾舟

孟浩然

羊公岷山下神女漢臯曲雪罷冰復開春潭千  
丈綠輕舟恣來往探玩無厭足波影搖妓釵沙  
光逐人目傾杯魚鳥醉聯句鶯花續良會難再  
逢日入須秉燭

耶谿泛舟

孟浩然

落景餘清輝輕橈弄谿渚澄明愛水物臨泛何  
容與白首垂釣翁新妝浣沙女相看似相識脉

脉不得語

與黃侍御北津泛舟

孟浩然

津無蛟龍患日夕常安流本欲避驄馬何如同  
鷁舟豈伊今日幸曾是昔年遊莫奏琴中鶴且  
隨波上鷗隄緣九里郭山面百城樓自顧躬耕  
者才非管樂儔聞君薦草澤從此泛滄洲

萬山潭作

孟浩然

垂釣坐盤石水清心亦閑魚行潭樹下猿挂島  
藤間游女昔解佩傳聞於此山求之不可得沿

月棹歌還

峴潭作

孟浩然

石潭傍隈隩沙岸曉黃綠試垂竹竿釣果得查  
頭編美人騁金錯纖手膾紅鮮因謝陸內史尊  
羹何足傳

小敷谷龍潭祠作

王昌齡

崖谷歎疾流地中有雷集百泉勢相蕩巨石皆  
却立跳波沸崢嶸深處不可挹昏為蛟龍怒清  
見雲雨入靈怪崇偏祠廢興自茲邑沈淫頃多

昧擔宇遂不葺吾聞被明典盛德惟世及生人  
載山川血食報原隰豈伊駭微險將以循眈揖  
飛振呂梁忠信亦我習波流浸已廣悔吝在  
所汲谿水有清源寒裳靡沾濕

諸官遊招隱寺

王昌齡

山館人已空青蘿換風雨自從永明世月向龍  
宮吐鑿井長幽泉白雲今如古應真坐松柏錫  
杖挂窓戶口云七十餘能救諸有苦回指巖樹  
花如聞道場鼓金色身壞滅真如性無主僚友



同一心清光遣誰取

宿天竺寺

陶翰

松柏亂巖口山西微徑通天開一峯見宮闕生  
虛空正殿倚霞壁千樓標石叢夜來後鳥靜鐘  
梵寒雲中峯翠映湖月泉聲亂谿風心超諸境  
外了與懸解同明發唯改視朝日長崖東湖色  
濃蕩漾海光漸瞳矇葛仙跡尚在許氏道猶崇  
獨往古來事幽懷期二公

家叔徵君東谿草堂二首 盧象

開山十餘里青壁森相倚欲識堯時天東谿白  
雲是雷聲轉幽壑雲氣香流水澗影生龍蛇巖  
端翳檉梓大道終不易君恩曷能已鶴羨無老  
時龜言攝生理浮年笑六甲元化潛一指未暇  
掃雲梯空慙阮家子

又

今朝共遊者得性閑未歸已到仙人家莫驚鷗  
鳥飛水深巖子釣松挂巢父衣雲氣轉幽寂谿  
流無是非名理未足羨腥臊詎所希自唯負貞

意何歲當食薇

同房侍御山園新亭與邢判官同遊

高適

隱隱春城外蒙籠陳跡深君子顧榛莽與言傷  
古今決河導新流疏逕蹤舊林開亭俯川陸時  
景宜招尋肅穆逢使軒夤緣事登臨忝遊芝蘭  
室還對桃李陰岸遠白波來氣喧黃鳥吟因覩  
歌頌作始知經濟心灌壇有遺風單父多鳴琴  
誰爲久州縣蒼生懷德音

同敬八盧五汎河間清河 高適

清川在城下沿汎多所宜同濟愜數公翫物欣  
良時飄颻波上興燕婉舟中詞昔陟乃平原今  
來忽漣漪東流達滄海西流延滹池雲樹共晦  
明井邑相逶迤稍隨歸月帆若與沙鷗期渙父  
更畱我前潭水未滋

同呂判官從哥舒大夫破洪濟城迴登  
積石軍多福七級浮圖 高適

塞口連濁河轅門對山寺寧知鞍馬上獨有登

臨事七級凌太清千崖列蒼翠飄飄方寓目想  
像見深意高興殊未平涼風颯然至拔城陣雲  
合轉旆胡星墜大將何英靈官軍動天地君懷  
生羽翼本欲厚騏驎款段苦不前青冥信難致  
一歌陽春後三歎終自愧

登廣陵棲靈寺塔

高適

淮南富登臨茲塔信奇最直上造雲族憑虛納  
天籟迴然碧海西獨立飛鳥外始知高興盡適  
與賞心會連山黯吳門喬木吞楚塞城池滿窓

下物象歸掌內遠思駐江帆暮時結春靄軒車  
疑蠢動造化資大塊何必了無身然後知所退

同諸公登慈恩寺浮圖

高適

香界泯羣有浮圖豈諸相登臨駭孤高披拂欣  
大壯言是羽翼生迴出虛空上頓疑身世別乃  
覺形神王宮闕皆戶前山河盡簷向秋風昨夜  
至秦塞多清曠千里何蒼蒼五陵鬱相望盛時  
慙阮步未宦知周防輸效獨無因斯焉可遊放  
同薛司直諸公秋霽曲江俯見南山作

南山鬱初霽曲江湛不流若臨瑤池前想望崑  
崙丘迴首見黛色眇然波上秋深沈俯崢嶸清  
淺延阻修連潭萬木影插岸千巖幽杳靄信難  
測淵淪無暗投片雲對漁父獨鳥隨虛舟我心  
寄青霞世事慙白鷗得意在乘興忘懷非外求  
良辰自多暇欣與數子遊

和崔二少府登楚丘城作 高適

故人亦不遇異縣久棲託辛勤失路意感歎登  
樓作清晨眺原野獨立窮寥廓雲散芒碭山水  
還睢陽郭遠梁卽襟帶封衛多漂泊事古悲城  
池年豐愛墟落相逢俱未展攜手空蕭索何意  
千里心仍求百金諾公侯皆我輩動用在謀略  
聖心思賢才竭來刈葵藿

同羣公出獵海上 高適

畋獵自古昔況伊心賞俱偶與羣公遊曠然出  
平蕪層陰漲溟海殺氣窮幽都鷹隼何翩翩馳  
驟相傳呼豺狼竄榛莽麋鹿雁艱虞高鳥下駢

弓因獸鬪匹夫塵驚大澤晦火燎深林枯失之  
有餘恨獲者無全軀咄彼工拙間恨非指蹤徒  
猶懷老氏訓感歎此歡娛

遊天竺寺

崔顥

晨登天竺山山殿朝陽曉厓泉爭噴薄江岫相  
縈繞直上孤頂高平看衆峰小南州十二月地  
煖冰雪少青翠滿寒山藤蘿覆冬沼花龕瀑布  
側青壁石林杪鳴鐘集人天施飯聚猿鳥洗意  
歸清淨澄心悟空了始知世上人萬物一何擾

入若耶溪

崔顥

輕舟去何疾已到雲林境起坐雲鳥間動搖山  
水影巖中響自谷谿裏言彌靜事事令人幽停  
橈向餘景

西山

常建

一身爲輕舟落日西山際常隨去帆影遠接長  
天勢物象歸餘清林巒分夕麗亭亭碧流暗日  
入孤霞繼渚日遠陰映湖雲尚明霽林昏楚色  
來岸遠荆門閉至夜轉清迥蕭蕭北風厲沙邊

鴈鷺泊宿處蒹葭救圓月逗前浦孤琴又搖曳  
冷然夜遂深白露霑人袂

第三峯

常建

西山第三頂茅宇依雙松杳杳欲至天雲梯昇  
幾重瑩魄澄玉虛以求鸞鶴蹤逶迤非天人執  
節乘赤龍芴映白日光縹緲輕霞容孤輝上煙  
霧餘影明心胷願與黃麒麟欲飛而莫從因寂  
清萬象輕雲自中峰山暝學棲鳥月來隨暗蒼  
尋空靜餘響嫋嫋雲谿鐘

漁浦

常建

春至百艸綠陂澤聞鶉鷓別家投釣翁今世滄  
浪情漚紵爲縕袍折麻爲長纓榮譽失本真怪  
人浮此生碧水月自闊安流淨而平扁舟與天  
際獨往誰能名

宿五度谿仙人得道處

常建

五度谿上花生根依兩崖二月尋片雲願宿秦  
人家上見懸崖崩下見白水湍仙人彈碁處石  
上青蘿盤無處求玉童翳翳唯林巒前谿遇新

月聊取玉琴彈

宿王昌齡隱居

常建

清谿深不測，隱處唯孤雲。  
松際露微月，清光猶爲君。  
茅亭宿花影，藥院滋苔紋。  
余亦謝時去，西山鸞鶴羣。

白湖寺後谿宿雲門

常建

落日山水清，亂流鳴淙淙。  
舊蒲雨抽節，新花水對牕。  
谿中日已沒，歸鳥多爲雙。  
杉松引直路，出谷臨前湖。  
洲渚晚色靜，又觀花與蒲。  
入谿復登

嶺草淺寒流，速圓月明高。  
峯春山因獨宿，松陰澄初夜。  
曙色分遠日，日出城南隅。  
青青媚川陸，亂花覆東郭。  
碧氣銷長林，四郊一清影。  
千里歸寸心，前瞻王程促。  
却戀雲門深，畢景有餘興。  
到家彈玉琴。

閑齋卧雨行藥至山館稍次湖亭二首

常建

旬時結陰霖，簾外初白日。  
齋日清病容，心覓輿虛室。  
閑梅照前戶，明鏡悲舊質。  
同袍四五人，何

不來問疾

又

行藥至石壁東風變萌芽主人山門綠小隱湖  
中花時物堪獨往春帆宜別家辭君向滄海爛  
熳從天涯

湖中晚霽

常建

湖廣舟自輕江天欲澄霽是時清楚望氣色猶  
霾臆踟躕金霞白波上日初麗煙虹落鏡中樹  
木生天際杳杳涯欲辨蒙蒙雲復蔽言乘星漢

明又覩寰瀛勢微興從此愜悠然不知歲試歌  
滄浪清遂覺乾坤細豈念客衣薄將期永投袂  
遲迴漁父間一鴈聲嘹唳

春半與羣公同遊元處士別業

岑參

郭南處士宅門外羅羣峰勝槩忽相引春華今  
正濃山厨竹裏爨野碓藤間春對酒雲數片捲  
簾花萬重巖泉嗟到晚州縣欲歸慵艸色帶朝  
雨灘聲兼夜鐘愛茲清俗慮何事老塵容況有



林下約轉懷方外蹤

自潘陵尖還少室居止秋夕憑眺

岑參

草堂近少室夜靜聞風松月出潘陵尖照見十  
六峯九月山葉赤谿雲淡秋容火點伊陽村煙  
深嵩角鐘尚子不可見蔣生難再逢勝愜只自  
知佳趣為誰濃昨詣山僧期上到天壇東向下  
望雷雨雲間見回龍夕與人羣跡轉愛丘壑中  
心澹水木會興幽魚鳥通稀微了自釋出處乃

不同況本無宦情誓將依道風

陪羣公龍岡寺泛舟

岑參

漢水天一色寺樓波底看鐘鳴長空夕月出孤  
舟寒映酒見山火隔簾聞夜灘紫鱗掣芳餌紅  
燭然金盤良友興正愜勝遊情未闌此中堪倒  
載須盡主人歡

登千福寺楚金禪師法華院多寶塔

岑參

多寶滅已久蓮華付吾師寶塔凌太空忽如湧

出時數年功不成一志堅自持明主親夢見世  
人今始知千家獻黃金萬匠磨琉璃旣空泰山  
木亦罄天府背焚香如雲屯幡蓋珊珊垂悉宰  
神繞護衆魔不敢窺作禮覩靈境焚香方證疑  
庶割區中緣脫身恒在茲

與高適薛據登慈恩寺浮圖

岑參

塔勢如湧出孤高聳天宮登臨出世界磴道盤  
虛空突兀壓神州崢嶸如鬼工四角疑白日七

層摩蒼穹下窺指高鳥俯聽聞驚風連山若波  
濤奔湊似朝東青槐夾馳道宮館何玲瓏秋色  
從西來蒼然滿關中五陵北原上萬古青濛濛  
淨理了可悟勝因夙可宗誓將挂冠去學道資  
無窮

登嘉州凌雲寺作

岑參

寺出飛鳥外青峯戴朱樓搏壁躋半空喜得登  
上頭始知宇宙闊下看三江流天晴見峨眉如  
向波上浮迴曠煙景豁陰森棕栴稠願割區中

緣永從塵外遊迴風吹虎穴片雨當龍湫僧房  
雲濛濛夏月寒颼颼迴合俯近郭寥落見遠舟  
勝槩無端倪天宮可淹畱一官詎足道欲去令  
人愁

觀楚國寺璋上人寫一切經院南有曲

池深竹

岑參

璋公不出院羣木閉深居誓寫一切經欲向萬  
卷餘揮毫散林鵲研墨警池魚音翻四句偈字  
譯五天書鳴鐘竹陰晚汲水桐花初雨氣潤衣

鉢香煙泛庭除此地日清淨諸天應未知不知  
將錫杖早晚躡空虛

宿東谿王屋李隱者

岑參

山店不鑿井百家同一泉晚來南村黑雨色和  
人煙霜畦吐寒菜沙鴈噪河田隱者不可見天  
壇飛鳥邊

宋少府東谿泛舟

李頎

登岸還入舟水禽驚笑語晚葉低衆色濕雲帶  
殘暑落日乘醉歸谿流復幾許

與諸公遊濟瀆泛舟

李頎

濟水出王屋其源來不窮  
沃泉數眼沸平地流  
清通皇帝崇祀典詔書視三公  
分官禱靈廟奠  
壁沈河宮神應每如峇  
松篁氣葱蘢蒼螭送飛  
雨赤鯉噴迴風灑酒布  
瑤席吹簫下玉童玄冥  
掌陰事祝史告年豐  
百谷趨潭底三光懸鏡中  
淺深露沙石蘋藻生  
虛空晚景臨汎美亭臯輕  
靄紅晴山傍舟楫白鷺  
驚絲桐我本家潁北開  
門見維嵩焉知松峯外  
又有天壇東左手正接

羅浩歌眇青穹夷猶傲清吏  
偃仰狎漁翁對此  
川上閒非君誰與同  
霜凝遠村渚月淨蒹葭叢  
茲境信難遇爲歡殊未終  
淹留悵言別煙嶼夕  
微濛

石頭灘作

崔國輔

悵矣秋風時余臨石頭瀨  
因高見超遠盡此數  
州內羽山一點青海岸  
雜光碎離離樹木少  
漭漭湖波大日暮千里帆  
南飛落天外須臾遂入  
夜楚色有微靄尋遠跡  
已窮遺榮事多昧一身

猶未理安得濟時代且泛朝夕潮荷衣蕙爲帶  
宿法華寺  
崔國輔

松雨時復滴寺門清且涼此心竟誰證回憩支  
公牀壁畫感靈跡龕經傳異香獨遊寄象外忽  
忽歸南昌

登秦望山

薛據

南登秦望山日極大海空朝陽半蕩漾晃朗天  
水紅谿壑爭噴薄江湖遞交通而多漁商客不  
悟歲月窮振綿迎早潮弭棹候長風予本萍泛

者乘流任西東茫茫天際帆栖泊何時同將尋  
會稽迹從此訪任公

宿岸道人精舍

閻防

早歲參道風放情入寥廓重因息心侶遂果巖  
下諾斂迹辭人間杜門守寂寞秋風剪蘭蕙霜  
氣冷淙壑山牖見然燈竹房聞搗藥願言捨塵  
事所趣非龍蠖

盛唐彙詩卷第三十五

四唐彙詩百五

盛唐彙詩卷第三十六

四唐彙詩百六

新都

吳勉學 編輯

江晏如 校訂

五言古體

讌遊

尋魯城北范居士失道落蒼耳中見范

置酒摘蒼耳作

李白

鴈度秋色遠日靜無雲時客心不自得浩漫將  
何之忽憶范野人閉園養幽姿茫然起逸興但

恐行來遲城壕失往路馬首迷荒陂不惜翠雲  
裘遂爲蒼耳欺入門且一笑把臂君爲誰酒客  
愛秋蔬山盤薦霜梨他筵不下筋此席忘朝饑  
酸棗垂北郭寒瓜蔓東籬還傾四五酌且詠猛  
虎詞近作十日歡遠爲千載期風流自簸蕩諺  
浪偏相宜酣來上馬去却笑高陽池

宿清谿主人

李白

夜到清谿宿主人碧巖裏簷楹挂星斗枕席響  
風水月落西山時啾啾夜猿起

春歸終南山松龕舊隱

李白

我來南山陽事事不異昔却尋谿中水還望巖  
下石薔薇綠東牕女蘿遶北壁別來能幾日草  
木長數尺且復命酒樽獨酌陶永夕

登敬亭北二小山余時送客逢崔侍御

並登此地

李白

送客謝亭北逢君送酒還屈盤戲白馬大笑上  
青山迴鞭指長安西日落秦關帝鄉三千里杳  
在碧雲間

九日

李白

今日雲景好水綠秋山明  
攜壺酌流霞  
寒菊泛寒榮  
地遠松石古  
風揚絃管清  
窺觴照歡顏  
獨笑還自傾  
落帽醉山月  
空歌懷友生

九日登山

李白

淵明歸去來不與世相逐  
爲無杯中物遂偶本  
州牧因招白衣人  
笑酌黃花菊  
我來不得意  
虛過重陽時  
題輿何俊發  
遂結城南期  
築土按響山  
俯臨宛水湄  
胡人叫玉笛  
越女彈霜絲  
自作

英王胃斯樂不可窺  
赤鯉湧琴高  
白龜道水夷  
靈仙如彷彿  
莫醉遙相知  
古來登高人  
今復幾人在  
滄洲違宿諾  
明日猶可待  
連山似驚波  
合脊出溟海  
揚袂揮四座  
醕酎安所知  
齊歌送清觴  
起舞亂參差  
賓隨落葉散  
帽逐秋風吹  
別後登此臺  
願言長相思

九日登巴陵置酒望洞庭水軍

李白

九日天氣清  
登高無秋雲  
造化闢川嶽  
了然楚



漢分長風鼓橫波合沓蹙龍文憶昔傳遊豫樓  
船壯橫汾今茲討鯨鯢旌旆何繽紛白羽落酒  
樽洞庭羅三軍黃花不掇手戰鼓遙相聞劔舞  
轉頽陽當時日停醺酣歌激壯士可以摧妖氛  
齷齪東籬下淵明不足羣

秋登巴陵望洞庭

李白

清晨登巴陵周覽望不極明湖映天光徹底見  
秋色秋色何蒼然際海俱澄鮮山青滅遠樹水  
綠無寒煙來批出江中去鳥向日邊風清長沙

浦沙空雲夢田瞻光惜頽髮閱水悲徂年北渚  
旣蕩漾東流自潺湲郢人唱白雪越女歌采蓮  
聽此更腸斷憑崖淚如泉

江上望皖公山

李白

奇峯出奇雲秀水含秀氣清宴皖公山巉絕稱  
人意獨遊滄江上終日淡無味但愛茲嶺高何  
由討靈異默然遙相許欲往心莫遂待吾還丹  
成投跡歸此地

荆門浮舟望蜀江

李白

春水月峽來浮舟望安極正是桃花流依然錦  
江色江色綠且明茫茫與天平逶迤巴山盡搖  
曳楚雲行雪照聚沙鴈花飛出谷鶯芳洲却已  
轉碧樹森森迎流目浦煙夕揚帆海月生江陵  
識遙火應到渚宮城

與從姪杭州刺史良遊天竺寺

李白

挂席凌蓬丘觀濤憩樟樓三山動逸興五馬同  
遨遊天竺森在眼松風颯驚秋覽雲測變化弄

水窮清幽疊障隔遙海當軒寫歸流詩成傲雲  
月佳趣滿吳洲

登太白峰

李白

西上太白峰夕陽窮登攀太白與我語爲我開  
天關願乘冷風去直上浮雲間舉手可近月前  
行若無山一別武功去何時復見還

焦山望松寥山

李白

石壁望松寥宛然在碧霄安得五彩虹架天作  
長橋仙人如愛我舉手來相招

天台曉望

李白

天台鄰四明華頂高百越門標赤城霞樓樓滄  
島月憑高登遠覽直下見溟渤雲垂大鵬翻波  
動巨鼇沒風潮爭洶湧神怪何翕忽觀奇跡無  
倪好道心不歇攀條摘朱實服藥鍊金骨安得  
生羽毛千春卧蓬闕

登單父陶少府半月臺

李白

陶公有逸興不與常人俱築臺像半月迴出高  
城隅置酒望白雲商飈起寒梧秋山入遠海桑

柘羅平蕪水色淥且明令人思鏡湖終當過江  
去愛此暫踟躕

大庭庫

李白

朝登大庭庫雲物何蒼然莫辨陳鄭火空霾鄒  
魯煙我來尋梓慎觀化入寥天古木翔氣多松  
風如五絃帝圖終冥沒歎息滿山川

登峨眉

李白

蜀國多仙山峨眉邈難匹周流試登覽見絕怪安  
可悉青冥倚天開彩錯疑畫出冷然紫霞賞果

得錦囊術雲間吟瓊簫石上弄寶瑟平生有微  
尚歡笑自此畢煙容如在顏塵累忽相失倘逢  
騎羊子攜手凌白日

登錦城散花樓

李白

日照錦城頭朝光散花樓金牕夾繡戶珠箔懸  
瓊鈎飛梯綠雲中極目散我憂暮雨向三峽春  
江繞雙流今來一登望如上九天遊

陪族叔當塗宰遊化城寺升公清風亭

李白

化城若化出金牕天宮開疑是海上雲飛空結  
樓臺升公湖山秀粲然有辯才濟人不利已立  
俗無嫌猜了見水中月青蓮出塵埃閑居清風  
亭左右清風來當暑陰廣殿太陽爲徘徊茗酌  
待幽客珍盤薦雕梅飛文何灑落萬象爲之摧  
季父擁鳴琴德聲布雲雷雖遊道林室亦舉陶  
潛杯清樂動諸天長松自吟哀畱歡若可盡劫  
石乃成灰

宣城青谿二首

李白

青谿勝桐廬水木有佳色山貌日高古石容天  
傾側彩鳥昔未名白猿初相識不見同懷人對  
之空歎息

又

青谿清我心水色異諸水借問新安江見底何  
如此人行明鏡中鳥弄屏風裏向晚猩猩啼空  
悲遠遊子

與南陵常贊府遊五松山 李白

安石泛溟渤獨嘯長風還逸韻動海上高情出

人間靈異可並跡澹然與世閑我來五松下置  
酒窮躋攀徵古絕遺老因名五松山五松何清  
幽勝境美沃州蕭颯鳴洞壑終年風雨秋響入  
百泉去聽如三峽流剪竹掃天花且從傲吏遊  
龍堂若可憩吾欲歸精修

泛沔州城南郎官湖

并序

李白

乾元歲秋八月白遷於夜郎遇故人尚書郎  
張謂出使夏口沔州牧杜公漢陽宰王公觴  
于江城之南湖樂天下之再平也方夜水月

如練清光可掇張公殊有勝槩四望超然乃  
顧白曰此湖古來賢豪遊者非一而在踐佳  
景寂寥無聞天子可爲我標之嘉名以傳不  
朽白因舉酒酌水號之曰郎官湖亦猶鄮圃  
之有僕射陂也席上文士翰翼岑靜以爲知  
言乃命賦詩紀事刻石湖側將與大別山共  
相磨滅焉

張公多逸興共泛沔城隅當時秋月好不減武  
昌都四座醉清光爲歡古來無郎官愛此水因

號郎官湖風流若未減名與此山俱

遊謝氏山亭

李白

淪老卧江海再歡天地清病閑久寂寞歲物徒  
芬榮借君西地遊聊以散我情掃雪松下去捫  
蘿石道行謝公池塘上春草颯已生花枝拂人  
來山鳥向我鳴田家有美酒落日與之傾醉罷  
弄歸月遙欣稚子迎

春陪商州裴使君遊石娥谿

李白

裴公有仙標拔俗數千丈澹蕩滄州雲飄飆紫  
霞想剖竹商洛間政成心已閑蕭條出世表冥  
寂閉玄關我來屬芳節解榻時相悅舉帷對雲  
峯揚袂指松雪暫出東城邊遂遊西巖前橫天  
聳翠壁噴壑鳴紅泉尋幽殊未歇愛此春光發  
谿傍饒名花石上有好月命駕歸去來露華生  
綠苔淹留惜將晚復聽清猿哀清猿斷人腸遊  
子思故鄉明發首東路此歎焉可忘

春遊羅敷潭

李白

行歌入谷口路盡無人躋攀崖度絕壑弄水尋  
迴谿雲從石上起客到花間迷淹留未盡興日  
落羣峰西

同友人舟行遊台越作

李白

楚臣傷江楓謝客拾海月懷沙去瀟湘挂席泛  
溟渤蹇予訪前跡獨往造窮髮古人不可攀去  
若浮雲沒願言弄倒景從此鍊真骨華頂窺絕  
溟蓬壺望超忽不知青春度但怪綠芳歇空持  
釣鰲心從此謝魏闕

遊南陽清泠泉

李白

惜彼落日暮愛此寒泉清西輝逐流水蕩漾遊  
子情空歌望雲月曲盡長松聲

遊南陽白水登石激作古入李白

朝涉白水源暫與人俗踈島嶼佳境色江天涵  
清虛目送去海雲心閒遊川魚長歌盡落日乘  
月歸田廬

遊泰山六首

李白

四月上泰山石平御道開六龍過萬壑澗谷隨

縈迴馬跡遶碧峰于今滿青苔飛流灑絕巘水  
急松聲哀北眺崑嶂奇傾崖向東摧洞門閉石  
扇地底興雲雷登高望蓬瀛想像金銀臺天門  
一長嘯萬里清風來玉女四五人飄颻下九垓  
含笑引素手遺我流霞杯稽首再拜之自愧非  
仙才曠然小宇宙棄世何悠哉

又

清曉騎白鹿直上天門山山際逢羽人方瞳好  
容顏稠羅欲就語却掩青門關遺我鳥跡書飄



然落巖間其字乃上古讀之了不閑感此三歎  
息從師方未還

又

平明登日觀舉手開雲關精神四飛揚如出天  
地間黃河從西來窈窕入遠山憑崖覽八極目  
盡長空閑偶然值青童綠髮雙雲鬟笑我晚學  
仙蹉跎凋朱顏躊躇忽不見浩蕩難追攀

又

清齋三十日裂素寫道經吟誦有所得衆神衛

我形雲行信長風颯若羽翼生攀崖上日觀伏  
檻窺東溟海色動遠山天雞已先鳴銀臺出倒  
景白浪翻長鯨安得不死藥高飛向蓬瀛

又

日觀東北傾兩崖夾雙石海水落眼前天光遙  
空碧千峯爭攢聚萬壑絕凌歷緬彼鶴上仙去  
無雲中跡長松入霄漢遠望不盈尺山花異人  
間五月雪中白終當遇安期於此鍊玉液

又

朝飲王母池  
暝投天門關  
獨抱綠綺琴  
夜行青山間  
山明月露白  
夜靜松風歌  
仙人遊碧峯  
處笙歌發  
寂聽娛清暉  
玉真連翠微  
想像鸞鳳舞  
飄飄龍虎衣  
捫天摘瓠瓜  
恍惚不憶歸  
舉手弄清淺  
誤攀織女機  
明晨坐相失  
但見五雲飛

盛唐彙詩卷第三十六

四唐彙詩頁六

盛唐彙詩卷第三十七

四唐彙詩頁七

新都 吳勉學 編輯

江晏如 校訂

東五言古體

讌遊

杜甫

落景下高堂  
進舟泛迴谿  
誰謂築居小  
未盡喬木西  
遠郊信荒僻  
秋色有餘淒  
練練松上雪  
纖纖雲表霓  
童戲左右岸  
罟弋畢提攜  
翻倒荷芰

亂指揮路徑迷得魚已割鱗采藕不洗泥人情  
逐鮮美物賤事已睽吾村靄暝姿異舍雞亦棲  
蕭條欲何適出處庶可齊衣上見新月霜中登  
故畦濁醪自初熟東城多鼓鼙

奉同郭給事湯東靈湫作 杜甫

東山氣鴻濛宮殿居上頭君來必十月樹羽臨  
九州陰火煮玉泉噴薄漲巖幽有時浴赤日光  
抱空中樓閣風入轍跡曠原延冥搜沸天萬乘  
動觀水百丈湫幽靈斯可怪王命官屬休初聞

龍用壯劈石摧林丘中夜窟宅改移因風雨秋  
倒懸瑤池影屈注蒼江流味如甘露漿揮弄滑  
且柔翠旗淡偃蹇雲車紛少畱簫鼓蕩四溟異  
香泱泱浮鮫人獻微綃曾祝沈豪牛百祥奔盛  
明古先莫能儔坡陀金蝦蟇出見蓋有由至尊  
顧之笑王母不遣收復歸虛無底化作長黃虬  
飄飄青瑣郎文彩珊瑚鈎浩歌淥水曲清絕聽  
者愁

南池

杜甫

崢嶸巴閬間所向盡山谷安知有蒼池萬頃浸  
坤軸呀然閬城南枕帶巴江腹芟荷入異縣秔  
稻共比屋皇天不無意美利戒止足高田失西  
成此物頗豐熟清源多衆魚遠岸富喬木獨歎  
楓香林春時好顏色南有漢王祠終朝走巫祝  
歌舞散靈衣荒哉舊風俗高堂亦明王鳧鳧猶  
正直不應空陂上縹緲親酒食淫祀自古昔非  
惟一川瀆干戈浩茫茫地僻傷極目平生江海  
興遭亂身局促駐馬問漁舟躊躇慰羈束

晚登灤上堂

杜甫

故躋灤岸高頗免崖石擁開襟野堂豁繫馬林  
花動雉堞粉如雲山田麥無壠春氣晚更生江  
流靜猶湧四序嬰我懷羣盜久相踵黎民困逆  
節天子渴垂拱所思注東北深峽轉修聳衰老  
自成病郎官未爲冗淒其望呂葛不復夢周孔  
濟世數嚮時斯人各枯冢楚星南天黑蜀月西  
霧重安得隨鳥翎迫此懼將恐

山寺

杜甫

野寺根石壁諸龕遍崔嵬前佛不復辨百身一  
莓苔惟有古殿存世尊亦塵埃如聞龍象泣足  
令信者哀使君騎紫馬捧擁從西來樹羽靜千  
里臨江久徘徊山僧衣藍縷告誦棟梁摧公爲  
領兵徒咄嗟檀施開吾知多羅樹却倚蓮華臺  
諸天必歡喜鬼物無嫌猜以茲撫士卒孰曰非  
周才窮子失淨處高人憂禍胎歲晏風破肉荒  
林寒可迴思量入道苦自哂同嬰孩

遊龍門奉先寺

杜甫

已從招提遊更宿招提境陰壑生虛籟月林散  
清影天闕象緯逼雲卧衣裳冷欲覺聞晨鐘令  
人發深省

同諸公登慈恩寺塔

杜甫

高標跨蒼穹烈風無時休自非曠士懷登茲翻  
百憂方知象教力足可追冥搜仰穿龍蛇窟始  
出枝撐幽七星在北戶河漢聲西流羲和鞭白  
日少昊行清秋秦山忽破碎涇渭不可求俯視  
但一氣焉能辨皇州回首叫虞舜蒼梧雲正愁

惜哉瑤池飲日晏崑崙丘黃鶴去不息哀鳴何  
所投君看隨陽鴈各有稻梁謀

西枝村尋置草堂地夜宿贊公土室二

首

杜甫

出郭眇細岑披荆得微路谿行一流水曲折方  
屢渡贊公湯休徒好靜心迹素昨枉霞上作盛  
論巖中趣怡然共攜手恣意同遠步捫蘿澀先  
登陟嶮眩返顧要求陽岡煖苦涉陰嶺沍惆悵  
老大藤沈吟屈蟠樹卜居意未展杖策迴且暮  
層巔餘落日草蔓已多露

又

天寒鳥已歸月出山更靜土室延白光松門耿  
踈影躋攀倦日短語樂寄夜永明然林中薪暗  
汲石底井大師京國舊德業天機秉從來支許  
遊興趣江湖迴數奇謫關塞道廣存箕穎何知  
戎馬間復接塵事屏幽尋豈一路遠色有諸嶺  
晨光稍朦朧更越西南頂

望嶽

杜甫

南嶽配朱鳥秩禮自百王歛吸領地靈瀕洞半  
炎方邦家用祀典在德非馨香巡狩何寂寥有  
虞今則亡泊吾隘世網行邁越瀟湘渴日絕壁  
出漾舟清光芴祝融五峯尊峯峯次低昂紫蓋  
獨不朝爭長業相望恭聞魏夫人羣仙夾翱翔  
有時五峯氣散風如飛霜牽迫恨修途未暇杖  
崇岡歸來覬命駕沐浴休玉堂三歎問府主曷  
以贊我皇牲璧忍衰俗神其思降祥

望嶽

杜甫

岱宗夫如何齊魯青未了造化鍾神秀陰陽割  
昏曉盪胸生層雲決眚入歸鳥會當凌絕頂一  
覽衆山小  
赤谷西崦人家共  
杜甫  
躋險不自安出郊已清目豁迴日氣煖逕轉山  
田綠鳥雀依茅茨藩籬帶松菊如行武陵暮欲  
問桃源曲

坐贈金登九嶷第二峯

九疑第二峯其上有仙壇杉松映飛泉蒼蒼在

雲端何人在此處云是魯女冠不知幾百歲燕  
坐餌金丹相傳羽化時雲鶴滿峯巒婦中有高  
人相望空長歎

登殊亭作

元結

時節方大暑試來登殊亭憑軒未及息忽若秋  
氣生主人既多閒有酒共我傾坐中不相異豈  
限醉與醒漫歌無人聽浪語無人驚時復一回  
望心目出四溟誰能守纓佩日與災患并請君  
誦此意令彼惑者聽

登白雲寺

元結

出門見南山喜逐松逕行窮高欲極遠始到白  
雲亭長山繞井邑登望宜新晴洲渚曲湘水縈  
迴隨郡城九疑千萬峯嶸嶸天外青煙雲無遠  
近皆傍林嶺生俯視松竹間石水何幽清涵映  
滿軒戶娟娟如鏡明何人病懣濃積醉且未醒  
與我一登臨爲君安性情

仙遊寺

李華

捨事入樵逕雲木深谷口萬壑移晦明千峰轉



前後巖然龍潭上石勢若奔走開拆秋天光崩  
騰夏雷吼靈谿自茲去紆直互紛糾聽聲靜復  
喧望色無更有冥冥翠微下高殿映杉柳滴滴  
洞穴中懸泉響相扣昔時秦王女羽化年代久  
日暮松風來簫聲生左右早窺神仙籙願結芝  
朮友安得羨門方青囊繫吾肘

寶林寺作

徐浩

茲山昔飛來遠自琅琊臺孤岫龜形在深泉鱗  
井開越王屢登陟何相傳詞才塔廟崇其巔規

模稱壯哉禪堂清潄潤高閣無恢奘照曜珠吐  
月鏗轟鐘隱雷揆余久纓弁末路遭遭迴一棄  
滄海曲六年稽嶺隈逝川惜東駛馳景憐西頽  
腰帶愁疾減容顏衰瘁催賴居茲寺中法士多  
環能洗心聽經論禮足蠲凶災永願依勝侶清  
江乘度杯

伊水門

樓頽

朝涉伊水門伊水入門流愜心乃成興澹然汎  
孤舟霏微傷青靄容與隨白鷗竹陰交前浦柳

花媚中洲日落陰雲生彌覺茲路幽聊以恣所  
適此外知何求

雨晴後陪王員外泛後湖得谿字

獨孤及

遠山媚平楚宿雨漲清谿沿沂任舟楫歡言無  
町畦酒酣相視笑心與白鷗齊

奉和夏日遊山應制

蔡文恭

首夏林壑清薄暮煙霞上連巖聳百仞絕澗臨  
千丈照灼晚花鮮潏潏夕流響悠然動睿思息

駕尋真賞挾彼渦川作懷茲洛濱想竊吹等齊  
竿何用承恩獎

遊廬山五老峯

吳筠

彭蠡隱深翠滄波照芙蓉日初金光滿景落黛  
色濃雲外聽猿鳥煙中見杉松自然符幽情瀟  
灑愜所從整策務探討嬉遊任從容玉膏正滴  
瀝瑤艸多芊茸羽人栖層崖道合乃一逢揮手  
欲輕舉爲余扣瓊鐘空香清人心正氣信有宗  
永用謝物累吾將乘鸞龍

登廬山東峯觀九江合彭蠡湖

百川灌彭蠡秋水方浩浩九派混東流朝宗合  
天沼寫心陟雲峯縱目還縹緲宛轉衆浦分差  
池羣山繞江妃弄明霞彷彿呈窈窕而我臨長  
風飄然欲騰矯昔懷滄洲興斯志果已紹焉得  
忘機人相從合魚鳥

同劉主簿承介建昌江泛舟作

吳筠

吾友從吏隱和光心杳然鳴琴正多暇嘯侶浮  
清川風霽遠登映昭昭涵洞天坐驚衆峯轉乃  
覺孤舟遷崖嶼非一狀差池過目前徘徊白日  
暮月色江中鮮真興殊未已滔滔且泝沿時歌  
滄浪曲或誦逍遙篇酣暢迷夜久遲遲方告旋  
此時無相與其旨在忘筌

盛唐彙詩卷第三十七

四唐彙詩頁

此却無休時其音生法參

會成曲定隨隨世世高爾爾物物效效久入異異方音味

暮月色色山中輪真與來未已前前且亦即即知

覺亦亦在變運運與非一未未成成風目前前將所自日

前川風霧霧豈豈知即即即即天生生靈靈

吾文與東與味味山山有有然然高高琴琴五五夕夕如如解解

鹿眉集



